

आकाशवाणी

खबरां ---

1 लोकसभा चुनाएं दे 6में गेढ़ गितै चुनांs प्रचार समाप्त, मतदान शनिवारें होग।

2. 20 मई गी होए दे लोकसभा चुनाएं दे 5में गेढ़ तैहत 62.20 फीसद मतदान दर्ज कीता गेआ ऐ।

3 इस बरें मई म्हीने च भारतीय अर्थ बवस्था नै निर्यात ते रोजगार च पिछले 18 बरें थमां सारे शां मता बाद्दा दर्ज कीता ऐ।

4 सूचना ते प्रसारण मैहकमे दे सचिव होरें आखेआ ऐ जे युवाएं गी एनिमेशन ते विजुअल इफेक्ट्स च सिखलाई देने लेई राश्ट्री उत्कृष्टता केंद्र दी स्थापना कीती जाग।

5 मुख्य भरें ते विदेशें च बी गौतम बुद्ध हुंदी जयंती बुद्ध पूर्णिमा मनाई जा'रदी ऐ।

<><><><><><>

Campaign 6th Phase

लोकसभा चुनाएं दे 6में गेड़ लेई प्रचार अज्ज मकम्मल होई गेआ ऐ। इस गेड़ च 8 राज्यें ते केंद्र शासित प्रदेशें दिएं 58 सीटें पर औंटे शनिवार गी मतदान होग। इंदे च बिहार दियां 8, हरियाणा दियां सब्बनें 10 पार्लियामानी सीटां, झारखंड दी 4, दिल्ली दियां सब्बै 7, ओडिशा दियां 6, यू.पी दियां 14 ते पच्छिम बंगाल दियां 8 सीटें सनें जम्मू-कश्मीर दी इक संसदीय सीट शामिल ऐ। मतदान बड्डलै 7 बजे रम्भ होइये संझा 6 बजे तगर जारी रौहग। जम्मू-कश्मीर च अनंतनाग राजौरी संसदीय सीट लेई बी चुनां प्रचार होरनें सीटें आंगर मुकम्मल होई गेआ ऐ। पिछले म्हीने चुनां आयोग नै आखेआ हा जे आयोग नै खराब मौसम करियै इस सीट लेई मतदान दी तरीक गी 7 मई थमां बदलियै 25 मई करी दिता गेआ हा।

<><><><><><><>

Campaign

प्रधानमंत्री नरेंद्र मोदी होरें अज्ज पटियाला च चुनां रैली गी संबोधित कीता। इस गेढ़ च ओडिशा दी 6 लोकसभा सीटें पर बी चुनां प्रचार समाप्त होई गेआ। इस गेढ़ च बीजेपी दे बड्डे लीडर धर्मेंद्र प्रधान, भतुहारी महताब, अपराजिता सारंगी, संबित पात्रा चुनां लड़ा रदे न। बीजेपी अध्यक्ष जे.पी नड्डा, उत्तर प्रदेश दे मुखमंत्री योगी

आदित्यनाथ ते असम दे मुखमंत्री हिमंता विश्वा शर्मा होर पार्टी मेदवारें दे पक्ष च चुनां रैलियां कीतियां। दिल्ली च बी 7 लोकसभा सीटें लेई चुनां प्रचार अज्ज समाप्त होई गेआ। केंद्री रक्षा मंत्री राजनाथ सिंह होरें द्वारका, पीयूष गोयल होरें नजफगढ़, स्मृति ईरानी होरें अशोक बिहार, राजस्थान दे मुखमंत्री भजन लाल शर्मा होरें रोहिणी इलाकें च पार्टी मेदवारें दे समर्थन च रैलियां ते रोड शो कीते। कांग्रेस लीडर राहुल गांधी होरें बी दिलशाद गार्डन च चुनां रैली गी संबोधित कीता। झारखंड च चार लोकसभा सीटें रांची, धनवाद, जमशेदपुर ते गिरिदीह गितै चुनां प्रचार समाप्त होई गेआ। छत्तीसगढ़ दे मुखमंत्री विश्वदेओ भाई होरें जमशेदपुर च पार्टी मेदवार दे समर्थन च रोड शो कीता जदकि जे.एम.एम दी लीडर ते साबका मुखमंत्री हेमंत सोरेन दी पत्नी कल्पना सोरेन⁹ होरें घाटशीला च आई.एन.डी.आई गठबंधन दे मेदवार दे समर्थन च इक रैली गी संबोधित कीता।

<><><><><><>

5th Phase

20 मई गी होए दे लोकसभा चुनां दे 5में गेढ़ तैहत 62.21 फीसदी मतदान दर्ज कीता गेआ। चुनां आयोग दे आंकड़ें मुजब मतदान करने

आलें च 61.48 फीसद मर्द, 63 फीसद महिलां ते 21.96 फीसद ट्रांसजेंडर हे। कमीशन मुजब सारें शा बद्द महिला मतदान 78.43 फीसद पच्छम बंगाल च होआ। ओदे मगरा ओडिशा च 74.77 फीसदी, महाराष्ट्र च 55.32 ते जम्मू-कश्मीर च 55.63 फीसदी महिलाएं वोट पाए। चुनां आयोग नै आखेआ जे जम्मू-कश्मीर च 59.1 फीसद, बिहार च 56.21 फीसद, झारखंड च 63.21 फीसदी, लद्दाख च 71.82 फीसदी, महाराष्ट्र च 56.89 फीसदी ओडिशा च 73.02 फीसदी, उत्तर प्रदेश च 58.02 फीसदी, पच्छम बंगाल च 78.45 फीसदी मतदान दर्ज कीता गेआ। इस गेढ़ तैहत 6 राज्यें ते 2 केंद्र शासित प्रदेशें च फैली दिएं 49 लोकसभा सीटें पर वोट पाए गए जेदे च उत्तर प्रदेश दी 14, बंगाल दी 7, ओडिशा ते बिहार दी 5-5, झारखंड दी 3 ते जम्मू-कश्मीर ते लद्दाख दी 1-1 सीट शामिल ऐ।

<><><><><><><>

PM-Rally

बीजेपी दे सीनियर लीडर ते प्रधानमंत्री नरेंद्र मोदी होरें हरियाणा दी महेंद्रगढ़ थाहर इक चुनावी रैली गी संबोधित करदे होई आखेआ जे आई.एन.डी.आई गठबंधन मुख्य कोला मता अपने परिवार गी प्राथमिकता दिंदा ऐ। श्री मोदी होरें आखेआ जे आई.एन.डी.आई.

गठबंधन चुनां दे पैहले 5 गेड़ें च गै चुनां हारी गेआ ऐ तां गै ओह चुनां कमीशन दे आंकड़ें ते ई.वी.एम मशीनें उप्पर आधारहीन आरोप ला रदा ऐ। उनें दहाकें तोड़ी वन रैंक वन पेंशन योजना गी लागू नेई करने गितै कांग्रेस उप्पर एक्स-सर्विसमैन कन्ने धोखा करने दा दोष लाया। उनें आखेआ जे सरकार नै OROP लागू करने लेई 1 लकख 25 जहार करोड़ रपे खर्च कीते। कल हांग्रेस लीडर राहुल गांधी होरें इक रैली च बीजेपी उप्र अग्निवीर योजना आनिये भारतीय फौज दा अपमान करने दी गल्ल आक्खी ही। उनें आखेआ जेकर उंदी सरकार बनदी ऐ ते ओह अग्निवीर योजना गी खत्म करी देडन।

<><><><><><><>

Export-Rise

देसै च पिले 18एं बरें दे मकाबले च चालू म्हीने च रोजगार ते निर्यात च रिकार्ड बाद्दा दर्ज कीता गेआ ऐ। एच.एस.बी.आई फ्लैश खरीददारी प्रबंधक सूचकांक पी.एम.आई मुजब भारत जुलाई 2010 थमां निजी क्षेत्र दे उत्पादन च त्री सब्बनें शा बद्द बाद्दे आहला देश बनी गया ऐ। बिक्री ते उत्पादन दौनें मामले च विनिर्माण क्षेत्र लगाता तरक्की

करा करदा ऐ पर समग्र माली सशक्तिकरण दा मुख्ख कारण सेवा क्षेत्र दा मजबूत होना ऐ। सर्वे मताबक सकल निर्यात रिकार्ड बाददा होआ ऐ। मुल्लें दे मोर्चे पर इनपुट लागत च बाददे नै भारतीय चीजें-बस्तें ते सेवां ताईं लैती जाने आहिलियें कीमतें गी होर बदाई दिता ऐ। एच.एस.बी.सी च भारत दे मुख्ख अर्थ शास्त्री प्राजुल भंडारी होरें आखेआ ऐ जे दौनें क्षेत्रें लेईं निर्यात च बाददा होआ ऐ।

<><><><><><>

I&B-Secy.

सूचना ते प्रसारण मैहकमे दे सचिव संजय जाजू होरें अज्ज आखेआ जे युवाएं गी एनिमेशन ते विजुअल इफैक्ट्स दी सिखलाई देने लेईं राष्ट्रीय उत्कृष्टता केंद्र दी स्थजापना कीती जाग। चेन्नई च समाचार माध्यमें आहले कन्नै गल्लबात करदे होई उनें आखेआ जे 3 लक्ख करोड़ दे फिल्म निर्माण उद्योग गी आधुनिक तकनीकें सरबंधी बक्ख-बक्ख क्षेत्रें च महारत याफता लोकें दी लोड़ ऐ। उनें आखेआ जे एह उत्कृष्टता केंद्र फिल्म उद्योग दिएं जरूरतें गी पूरा करोग। सचिव होरें इस बारें सूचना ते प्रसारण मैहकमे दे सीनियर ऐहलकारें कन्नै बी गल्लबात कीती ते उनेंगी मंत्रालय दे उद्देश्यें गी अग्गे लेईं जाने गितें

खाका तैयार करने लेई आखेआ। सचिव होर चिन्नेई दे दऊं दिनें दे दौरे पर गेदे हे।



Budha Purnima

भगवान बुद्ध हुंटी जयंती दे तौरा पर बुद्ध पूर्णिमा अज्ज देसै दे बक्ख-बक्ख हिस्सें च मनाई जा रदी ऐ। एह पवित्र ध्याड़ा दुनिया भर दे बौद्धे आस्सेआ मनाया जंदा ऐ। एह भारत, नेपाल, भूटान, बर्मा, थाईलैंड, तिब्बत, कोरिया, लाओस, वियतनाम, मंगोलिया, कंबोडिया, सिंगापुर, इंडोनेशिया ते श्रीलंका ज्नेय देसें च एह मुख त्यौहार ऐ। राष्ट्रपति द्रोपदी मुर्मू ते उपराष्ट्रपति जगदीप धनखड़ होरे बुद्ध पूर्णिमा दे पवित्र मौके पर राष्ट्र गी शुभकामनां दितियां न। मुर्मू होरे अपने सनेआ च आखेआ जे भगवान गौतम बुद्ध होरे इंसानियत ते सब्बै प्राणिये लेई सत्य, अहिंसा, आपसी भाईचारे ते हिरख-प्रेम दा सनेआ दित्ता ऐ। उपराष्ट्रपति जगदीप धनखड़ होरे अपने सनेआ च आखेआ जे भगवान हुदियां शिक्षां नैतिक आचरण, मानसिक अनुशासन ते ज्ञान च शामिल जीवन दी तपाश ताई इक्क परिवर्तनकारी खाका प्रदान करदियां न।



Weather

ेदसै दे उत्तरी ते मध्यवर्ती इलाकें च अगले किश दिनें तगर सख्त गर्मी दी शेंका दस्सी गई ऐ। राजस्थान, यू.पी, पंजाब, हरियाणा, चंडीगढ़ ते दिल्ली च अगले 3-4 दिनें ताईं रेड अलर्ट घोषित कीते गेदा ऐ। विदर्भ दे महाराष्ट्र च बी अगले 3-4 दिनें तगर सख्त गर्मी दी पेशनगोई कीती गई ऐ। असम च कल्लै तगर नमीं बनी दी रौहग। दिल्ली दे लोकें गी कल गर्मी थमां दना क राहत थोई पर अज्ज परतियै गर्म बाऊ दे चलने दे असार न। दिल्ली च तापमान 32 थमां 44 डिग्री सेल्यिस बशकार रौहग।

